

Na osnovu odredbi člana 10. Statuta Fondacije Mozaik, na sjednici održanoj dana 27.02.2018. godine Upravni odbor Fondacije Mozaik donosi:

Politiku očuvanja sigurnosti djece i drugih pripadnika ranjivih grupa

Politika očuvanja sigurnosti djece i drugih pripadnika ranjivih grupa („Politika“) se odnosi na zajedničke vrijednosti, principe i uvjerenja, te praktična pravila ponašanja i korake koji će se poduzeti prilikom ispunjavanja naših obaveza u pogledu zaštite djece i drugih pripadnika ranjivih grupa. Članovi i članice Upravnog odbora, članice i članovi menadžmenta, uposlenici, volonteri i ostali predstavnici i saradnici Fondacije Mozaik bez izuzetka su obavezni pridržavati se ove politike.

Riječi i pojmovi korišteni u ovom dokumentu koji imaju rodno značenje odnose se jednako na muški i ženski rod bez obzira u kojem su rodu navedeni.

DEFINICIJE

- **Ranjive grupe: Djeca¹²** – svaka osoba ispod 18 godina starosti, **Punoljetne osobe** 18+ godina - koje zbog poteškoća u razvoju, starosti ili bolesti, situacije u kojoj se nalaze koja je rezultat društvenih ili drugih nejednakosti te koje su ili mogu biti nesposobne da se brinu o sebi ili se zaštite od zlostavljanja ili eksploatacije.
- **Očuvanje sigurnosti pripadnika ranjivih grupa:** Unutar Fondacije Mozaik, ovaj izraz se odnosi na politike i procedure koje koristimo kako bismo postigli da Fondacija Mozaik bude organizacija koja je sigurna za sve pripadnike ranjivih grupa sa kojima dolazi u kontakt.

Svjesni smo da može doći do situacija da se pripadnici ranjivih grupa nađu u opasnost koja je posljedica namjernih aktivnosti naših uposlenika, volontera, suradnika i predstavnika. Mi nemamo ni malo tolerancije za ovakvo ponašanje.

Želimo osigurati da sve osobe povezane s Fondacijom Mozaik budu svjesne i da adekvatno reaguju na probleme zlostavljanja, seksualne eksploatacije, bilo koje vrste nasilja i diskriminacije pripadnika ranjivih grupa. Želimo osigurati da se svaka osoba

¹ https://www.unicef.org/bih/ba/overview_15931.html

² UN konvencija o pravima djeteta, 1989. http://www.ombudsmen.gov.ba/documents/obnudsmen_doc2013031807224360cro.pdf

koja predstavlja našu organizaciju prikladno ponaša prema pripadnicima ranjivih grupa kako na poslu tako i izvan radnog mjesta, i da nikada ne zloupotrijebi položaj povjerenja koji stekne kao osoba koja na bilo koji način istupa u ime Fondacije Mozaik.

Međutim, mi također znamo da nenamjerne aktivnosti, nedostatak preventivnog djelovanja i druge greške s naše strane mogu dovesti do nenamjernih loših posljedica. Osim toga, može doći do nesretnih slučajeva koji su se mogli spriječiti. Primjenjivanje koncepta očuvanja sigurnosti u procesu planiranja programa ili u velikom broju drugih oblika angažmana s pripadnicima ranjivih grupa može biti efikasno u smanjenju i uklanjanju ovih rizika.

Drugim riječima, očuvanje sigurnosti je naš pokušaj da se osiguramo da činimo sve što je u našoj moći kako bi obezbijedili sigurnost i dobrobit pripadnika ranjivih grupa s kojim radimo.

To pomaže da osiguramo da prava tih grupa unutar njihovih zajednica budu zasnovana na čvrstim temeljima.

- **Diskriminacija (lat. *discriminare*) = odvajati**, praviti razliku po socijalnim, rasnim, etničkim, vjerskim, individualnim, spolnim, jezičkim starosnim ili drugima osobinama.
- **Zlostavljanje djeteta:** Zlostavljanje djeteta se sastoji od bilo čega što pojedinci, institucije ili procesi čine ili ne čine, a što direktno ili indirektno šteti djeci ili njihovim šansama za siguran i zdrav razvoj u odraslu osobu³. Glavne kategorije zlostavljanja je definisala Svjetska zdravstvena organizacija (WHO ⁴) kao fizičko zlostavljanje, emotivno zlostavljanje, zapostavljanje i nemar, seksualno zlostavljanje i eksploataciju. Fizičko zlostavljanje uključuje korištenje nasilne fizičke snage da bi se nanijela stvarna ili moguća fizička povreda ili patnja (npr. udaranje, drmusanje, prženje, žensko genitalno sakaćenje, mučenje i dr.).

Emotivno ili psihološko zlostavljanje uključuje ponižavajuće i degradirajuće ponašanje kao što su vrijeđanje, konstantno kritikovanje, omalovažavanje, uporno sramoćenje, zatvaranje u samicu i izolacija. Seksualno zlostavljanje uključuje sve oblike seksualnog nasilja kao što su incest, rani i prisilni brak, silovanje, uključivanje u pornografiju i seksualno ropstvo. Seksualno zlostavljanje djece može uključivati i nepriстойno dodirivanje ili eksponiranje, korištenje seksualno eksplicitnog govora pred djetetom i pokazivanje pornografskih sadržaja djetetu.

³ Istražna komisija UK za prevenciju zlostavljanja i zanemarivanja djece, 1996. (UK Commission of Inquiry into the Prevention of Child Abuse and Neglect, 1996)

⁴ *Report of the Consultation on Child Abuse Prevention*, Ženeva, mart 1999., Svjetska zdravstvena organizacija (World Health Organization)

- **Seksualna eksploatacija:** Znači bilo koji oblik stvarne zloupotrebe ili pokušaja zloupotrebe položaja osjetljivosti, različite moći ili povjerenja u seksualne svrhe, uključujući, između ostalog, i materijalno, društveno ili političko profitiranje of seksualne eksploatacije druge osobe.⁵
- **Seksualna eksploatacije djeteta:** Seksualna eksploatacija djeteta koje je ispod dobi kada pravno može dati pristanak predstavlja seksualno zlostavljanje djeteta i krivično djelo. Maloljetno dijete ne može legalno dati pravi pristanak na seksualnu aktivnost. Fondacija Mozaik smatra da:
 - a. seksualna aktivnost sa djetetom sa ili bez njegovog pristanka predstavlja zlostavljanje djeteta i krivično djelo, npr. silovanje, bludna radnja;
 - b. bilo koja seksualna aktivnost sa djetetom koje je ispod minimalne dobne granice u kojoj se osoba, zakonski, smatra sposobnom dati dobrovoljni pristanak na spolni odnos u zemlji gdje ona/on živi i/ili u kojoj se desi delikt, bez obzira da li je dijete dalo pristanak ili ne, jeste zlostavljanje djeteta i krivično djelo;
 - c. spolni odnos s obostranim pristankom sa djetetom koje u dobi iznad zakonske minimalne dobne granice u kojoj se osoba smatra sposobnom, u očima zakona, dati dobrovoljni pristanak na spolni odnos u zemlji u kojoj ona/on žive i/ili u kojoj se desi delikt, ali je u dobi ispod 18 godina (iako nije krivično djelo) tretirat će se kao kršenje ove Politike.

I PODIZANJE RAZINE SVIJESTI

- 1.1. Politika, mora biti dostupna svim uposlenicima, volonterima, ostalim predstavnicim, saradnicima, korisnicima programa i projekata Fondacije Mozaik.
- 1.2. Relevantne informacije koje se odnose na ovu Politiku (npr. šta se smatra zlostavljanjem djeteta ili drugih pripadnika ranjivih grupa, ko je osoba kojoj se dijete ili drugi pripadnik ranjivih grupa može obratiti i na koji način) će biti prezentirane na način prilagođen razumjevanju djeci i drugim pripadnicima ranjivih grupa.

⁵ Bilten generalnog sekretara – Specijalne mjere za zaštitu od seksualne eksploatacije i seksualnog zlostavljanja 2003. ST/SGB/2003/13 (Secretary General's Bulletin Special Measures for Protection from Sexual Exploitation and Sexual Abuse 2003 ST/SGB/2003/13)

II PROCJENA RIZIKA

- 2.1. Prije pokretanja bilo koje aktivnosti, bilo da radi o postojećim ili novim, a koje uključuju rad s djecom i/ili drugim pripadnicima ranjivih grupa, Fondacija Mozaik će provesti procjenu rizika kako bi obuhvatila sve eventualne rizike koji se odnose na sigurnost ranjivih grupa. Procjenom svake aktivnosti ili program utvrđuju se rizici kako bi se isti izbjegli te se predlažu i slijede alternativni prakse. Svi rezultati procjene rizika se arhiviraju kao reference za u buduću.

III ZAPOSŁJAVANJE I ODABIR KADROVA

- 3.1. Politika zapošljavanja i odabir kadrova će oslikavati stav Fondacije Mozaik koji se odnosi na očuvanje sigurnosti djece i drugih pripadnika ranjivih grupa, tako što će se osigurati da se putem prijave i provjera ocijeni da li postoje osobe koje nisu podobne za rad sa djecom ili sa pripadnicima ranjivih grupa. Provjera podrazumjeva obavezu za sve uposlene dostavljanja uvjerenja o nekažnjavnju, provjere referenci i preporuka kod ranijih poslodavaca i ugovarača, a po potrebi i druge provjere.

IV UGRAĐIVANJE POLITIKE U SISTEME I PROCESSE

- 4.1. Politika će biti osnov za sve procedure i procese koji imaju bilo kakvu vezu za očuvanjem sigurnosti djece i drugih pripadnika ranjivih grupa kako bi se izgradila sredina u kojoj se poštuju njihova prava i u kojoj ne postoji tolerancija za bilo kakvo narušavanje njihove sigurnosti.
- 4.2. Politika će se primjenivati na sve programe i projekte koje implementira Fondacija Mozaik.
- 4.3. Politika prožima sve aspekte upravljanja ljudskim resursima kojima se definiše na koji način uposlenici ili predstavnici izvršavaju svoje obaveze, tj. svi uposlenici, volonteri, saradnici i predstavnici Fondacije Mozaik su obavezni potpisati individualnu izjavu ili Kodeks o čuvanju sigurnosti djece i drugih pripadnika ranjivih grupa („Kodeks“) čime potvrđuju da su upoznati i da se obavezuju na provođenje i pridržavanje Politike. Dobavljači roba i usluga i ugovarači kao sastavni dio Ugovora dobijaju pisanao uputstvo za postupanje u skladu s Politikom. Kršenje Politike predstavlja osnov za disciplinsku, prekršajnu i krivičnu odgovornost. Nepridržavanje odredbi Politike od strane zaposlenih u Fondaciji Mozaik smatra se težom povredom radne obaveze i osnovom za otkaz.
- 4.4. Djeca i njihovi skrbnici, kao i korisnici koji pripadaju ranjivim grupam će biti upoznati da ovakva politika postoji u Fondaciji Mozaik kako bi mogli prijaviti, žaliti se ili iznijeti svoje sumnje o postojanju bilo koje vrste kršenja Politike. Da bi se ove poruke iskomunicirale Politika će biti dostupna svim našim korisnicima na našoj web stranici na linku: <http://mozaik.ba/bs/nasa-politika/>

- 4.5. Svaki kontakt sa djecom i njihovim skrbnicima u svrhu marketinga, izlaganja medijima, savjetovanja, učešća ili podrške treba biti ostvaren uz njihovu pismenu saglasnost, i ne iskorištavati niti dijete niti skrbnika, činiti ih ranjivijim, ili ih izlagati riziku.
- 4.6. Članovi menadžmenta, uposlenici, volonteri i ostali predstavnici i saradnici Fondacije Mozaik bez izuzetka su obavezni štiti privatnost pripadnika ranjivih grupa, a to se odnosi na sve informacije do kojih dođu u kontaktu s djecom i drugim pripadnicima ranjivih grupa, a koje ne smiju biti dostupne drugim osobama ili javnosti, posebno onim od kojih djeca mogu imati štete ili trpjeti posljedice. S druge strane, zaštita privatnosti se odnosi na zaštitu osobnih podataka o djetetu prilikom medijskog eksponiranja aktivnosti Fondacije Mozaik.
- 4.7. Svi koji u ime Fondacije Mozaik objavljuju slike, tekstove, videa ili informacije o djeci i drugim pripadnicima ranjivih grupa moraju učiniti sve s ciljem da spriječe bespravni pristup i neprikladno korištenje tih sadržaja.
- 4.8. Osobni podaci djece i drugih pripadnika ranjivih grupa na osnovu kojih se može utvrditi identitet, prebivalište, škola i sl. ne smiju se postavljati na socijalne, elektronske medije ili bilo koje druge forme komunikacije koja uključuje djecu ili pripadnike drugih ranjivih grupa.
- 4.9. Bilo koji materijal (video, tekst, fotografije i sl.) koji uključuje djecu ili druge pripadnike ranjivih grupe ne smije biti geografski označen (geotagged) na osnovu čega se može utvrditi precizna lokacija niti smije sadržavati osobne ili druge podatke o istim.
- 4.10. Fondacija Mozaik strogo zabranjuje direktnu komunikaciju putem socijalnih medija između uposlenih, volontera, predstavnika, saradnika i djece ili pripadnika ranjivih grupa koji su korisnici programa i projekata Fondacije Mozaik, a koja nije dokumentovana i bez nadzora i znanja Fondacije Mozaik.
- 4.11. Fondacija Mozaik se obavezuje da će sve fotografije djece i pripadnika ranjivih grupa objavljenih putem elektronskih medija zaštititi autorskim pravima te onemogućiti putem dostupnih tehnologija bespravno korištenje i kopiranje.
- 4.12. Politika će se procjenivati i revidirati svake tri godine, a po potrebi i prije.
- 4.13. Onda kada je to u nadležnosti Fondacije Mozaik, ova organizacija će uvijek učiniti sve što je u njenoj moći da korisnicima koji pripadaju ranjivim grupama pruži odgovarajuće usluge i da ih zaštititi.

V PONAŠANJE PREMA DJECI I DRUGIM PRIPADNICIMA RANJIVIH GRUPA

- 5.1. Uposlenici, volonteri, predstavnici i drugi saradnici **nikada ne smiju**:

- a) Udariti ili na neki drugi način fizički nasrnuti na dijete i/ili pripadnike ranjivih grupa ili ih zlostavljati.
- b) Upustiti se u seksualnu aktivnost ili imati seksualni odnos s bilo kojom osobom koje je mlađa od 18 godina, bez obzira na to koja se dob smatra punoljetstvom i bez obzira koja je minimalna dobna granica u kojoj se osoba, zakonski i u odnosu na lokalne običaje smatra sposobnom dati dobrovoljni pristanak na spolni odnos. Osoba koja počinu ove radnje ne može se, u odbrani, pozivati na pogrešnu ubijeđenost u dob djeteta.
- c) S djecom ili drugim pripadnicima ranjivih grupa razviti odnose koji bi, u bilo kom smislu, mogli smatrati eksploatorskim ili nasilnim.
- d) Postupati na načine koji mogu biti nasilni na bilo koji način ili koji mogu dijete ili pripadnika drugih ranjivi grupa izložiti riziku od zlostavljanja.
- e) Koristiti jezik odnosno izražavanje ili davati prijedlog ili nuditi savjet koji je neprihvatljiv, uvredljiv ili pogrdan.
- f) Fizički se ponašati na način koji je neprimjeren ili seksualno provokativan.
- g) Ponuditi djetetu/djeci s kojim/kojom rade da, bez nadzora, provedu noć u njihovoj kući.
- h) Spavati u istom krevetu sa djetetom s kojim rade.
- i) Spavati u istoj sobi s djetetom s kojim rade.
- j) Za djecu činiti stvari lične prirode, koje djeca mogu sama obaviti.
- k) Tolerirati ili prihvaćati ponašanje djece koje je nezakonito, nesigurno ili nasilno ili učestvovati u takvom ponašanju.
- l) Postupati na način kojim se namjerava osramotiti, poniziti, omalovažiti ili degradirati dijete ili drugog pripadnika ranjivih grupa ili na neki drugi način izvršiti bilo koji oblik emocionalnog zlostavljanja.
- m) Diskriminirati neko određeno dijete ili pripadnika ranjivih grupa, ili to dijete ili pripadnika ranjive grupe tretirati na nepravedan, diskriminatorски način, ili favorizirati i protežirati ga, isključujući ostalu djecu ili pripadnika ranjive grupe.
- n) Provoditi previše vremena nasamo sa djecom.
- o) Stavljati se u situaciju u kojoj se izlažu riziku od optužbi za povredu radne dužnosti.

Ova lista nije konačna ili jedina. Uposlenici, partneri, volonteri i ostali saradnici uvijek treba da izbjegavaju aktivnosti ili ponašanje koje bi se moglo pogrešno protumačiti, primjenjivati lošu praksu ili razviti potencijalno zlostavljačko ponašanje.

5.2. Za osoblje i saradnike koji rade sa djecom i drugim pripadnicima ranjivih grupa važno je da:

- a) Budu svjesni situacija koje mogu predstavljati rizik i da njima vladaju.
- b) Planiraju i organizuju rad i mjesto za rad tako da rizik svedu na minimum.
- c) U radu s djecom, što je moguće više, ne budu nasamo sa njima.
- d) Omogućiti da se o bilo kojem problemu ili razlozima za zabrinutost otvoreno razgovara.
- e) Osiguravaju da loša praksa osoblja ili potencijalno zlostavljačko ponašanje prema djeci ili drugim pripadnicima ranjivih grupa ne ostane bez reakcije.

- f) Razgovaraju sa djecom i drugim pripadnicima ranjivih grupa o njihovom kontaktu sa osobljem i saradnicima i podstaknu se da slobodno izraze ako ih nešto brine.
- g) Osnaže djecu i pripadnike drugih ranjivih grupa - razgovaraju s njima o njihovim pravima, šta je prihvatljivo a šta ne, i šta mogu uraditi ukoliko postoji problem.
- h) Održavaju visok lični i profesionalni standard.
- i) Poštuju prava djece i drugih pripadnika ranjivih grupa i odnose se prema njima pošteno, iskreno i dostojanstveno.
- j) Pojačaju učešće djece u praksi kako bi im to pomoglo da razviju vlastite vještine samozaštite.

VI PROCEDURE PRIJAVLJIVANJA

- 6.1. Svi zaposleni, volonteri, predstavnici i saradnici u slučaju sumnje na zlostavljanje/zanemarivanje, seksualnu eksploataciju ili diskriminaciju djeteta i/ili drugih pripadnika ranjivih grupa su obavezni odmah i bez odlaganja usmeno obavijestiti o istom kontakt osobe zadužene za primanje prijava/žalbi navodeći : a) ime i prezime djeteta ili pripadnika ranjive grupe b) momenat saznanja – datum i vrijeme c) mjesto e) opis događaja, a u roku od 24h dostaviti prijavu/izvještaj o događaju na obrazcu koji je u Prilogu II ove Politike. Kontakt osobe će o prijavi/žalbi odmah i bez odlaganja obavijestiti Mendžement Fondacije Mozaik koji će odmah i bez odlaganja obavijestiti nadležni organ vlasti kao što su policija i centar za socijalni rad (npr. u slučaju kada se navodno počinio određeni prekršaj ili krivično djelo).

VII SMJERNICE OSOBLJU I SARADNICIMA ZA IZVJEŠTAVANJE O PROBLEMIMA

- 7.1. Svo osoblje Fondacije Mozak, volonteri te ostali saradnici dužni su izvještavati o svim problemima, što uključuje jasno precizirane izvještaje u vezi sa sumnjom koja se odnosi na diskriminaciju, zlostavljanje ili seksualnu eksploataciju djece i/ili drugih pripadnika ranjivih grupa, kada je počinitelj član osoblja, volonter, saradnik ili bilo koja druga osoba
- 7.2. Prvi prioritet bilo kojem članu osoblja koji bude izvješten o problemima u pogledu zaštite djeteta ili pripadnika ranjive grupe mora biti njihova neposredna sigurnost i dobrobit.
- 7.3. Svo osoblje Fondacije Mozak, volonteri te ostali saradnici dužni su da izvještavaju i reaguju u slučaju teškog zlostavljanja i/ili seksualne eksploatacije kada počinitelji nemaju dodira sa organizacijom, njenim predstavnicima ili partnerima.
- 7.4. Zabrinutost koja se odnosi na očuvanje sigurnosti djeteta i/ili drugih pripadnika ranjivih grupa treba biti izražena najkasnije u roku od 24 sata, osim ako je to nemoguće ili otežano usljed vanrednih okolnosti.
- 7.5. Pravila prijavljivanja sumnje na zlostavljanje/zanemarivanje djeteta i/ili drugih pripadnika ranjivih grupa, moraju biti dostupna i poznata svim članovima osoblja, volonterima predstavnicima, saradnicima, korisnicima i njihovim skrbnicima.

VIII ULOGE I DUŽNOSTI OSOBLJA U PRIMJENI POLITIKE

- 8.1. Kontakt osobe za očuvanje sigurnosti djeteta i drugih pripadnika ranjivih grupa odnosno za to određeni članovi osoblja-**službenici za očuvanje sigurnosti** u Fondaciji Mozaik koji će zaprimati prijave o sumnji/žalbe u pogledu kršenja Politike su:

1. Nenad Ličanin, nenad@mozaik.ba, +387 33 266 481/480, +387 61 186 468 ili
2. Vesna Balta, vesnabalta@mozaik.ba, 387 33 265 290, +387 61 186 473.

- 8.2. Svi uposlenici, predstavnici i saradnici moraju biti obaviješteni koje su osobe određene za zaprimanje prijava o sumnji/žalbi u pogledu kršenja Politike.

IX PRIJAVLJIVANJE SUMNJE NA ZLOUPOTREBU DUŽNOSTI/POLOŽAJA

- 9.1. Politika prijavljivanja sumnje na zloupotrebu dužnosti/položaja Fondacije Mozaik primjenjuje se kada osoblje vjeruje da je došlo do kršenja Politike (npr. kada je osoba kojoj bi to prijavili i sama uključena u kršenje Politike). U tom slučaju prijava odnosno žalba se direktno upućuje menadžmentu Fondacije Mozaik ili na viši nivo Upravnom odboru Fondacije Mozaik.

X PRINCIPI I PRAKSA U ODGOVORU NA OPTUŽBE ZA ZLOSTAVLJANJE ILI SEKSUALNU EKSPLOATACIJU

- 10.1. Svi uposlenici Fondacije Mozaik, volonteri, njeni predstavnici i saradnici će na ispravan način i efikasno reagovati u postupku započinjanja bilo kojeg istražnog postupka ili saradnje u kasnijim procesima u toku istrage, a vodit će se principima djelovanja u „najboljem interesu pripadnika ranjivih grupa” u bilo kojem takvom procesu u slučaju sumnje na zlostavljanje ili eksploataciju.
- 10.2. Od osoblja će se očekivati da sarađuje u svim istražnim postupcima, te održava odgovarajući stepen povjerljivosti. U suprotnom protiv istih će biti pokrenut disciplinski postupak.

XI ULOGA I ODGOVORNOST OSOBLJA U ODGOVORU NA OPTUŽBE ZA ZLOSTAVLJANJE ILI SEKSUALNU EKSPLOATACIJU

- 11.1. Osoblje i menadžeri moraju biti svjesni svojih uloga i odgovornosti prema nadležnim organima kada je u pitanju reagovanje, istraga i prosljeđivanje navoda o zlostavljanju i seksualnoj eksploataciji.

XII SISTEMI MENADŽMENTA KOJI REAGUJU, VLADAJU I UČE IZ SVAKOG SLUČAJA

- 12.1. Svi članovi osoblja, volonteri, saradnici i predstavnici moraju biti svjesni da će svaka prijava ili dojava o navodnom zlostavljanju ili iskorištavanju djece i/ili drugih pripadnika ranjivih grupa, a protiv njih samih, biti istražena u skladu sa internim aktima Fondacije Mozaik⁶ i pozitivnim zakonskim propisima u BiH⁷:
- a) razmatranjem prijave upućene organima ovlaštenim za krivičnu istragu i gonjenje u skladu sa zakonima države u kojoj rade onda kada se navod odnosi na moguće kršenje zakona i/ili
 - b) od strane Fondacije Mozaik, a u u okviru disciplinskih postupaka čiji ishod može biti otkaz.
- 12.2. Ova Politika stupa na snagu narednog dana od dana donošenja, a objavit će se u folderu „Dokumenti Fondacije Mozaik“ na on-line platformi za pohranu podataka „One Drive“ koji je dostupan svim zaposlenicima u Fondaciji Mozaik.
- 12.3. Stupanjem na snagu ove Politike stavlja van snage Politika očuvanja sigurnosti djece i drugih pripadnika ranjivih grupa br. 415-04/17 od 10.04.2017. godine.

Broj protokola: 1142-02/18



Predsjednica Upravnog odbora

Sejdeda Bašić-Čatić

⁶ Knjiga pravila i procedura Fondacije Mozaik

⁷ Krivični zakon BiH, Krivični zakon RS, Krivični zakon FBiH, Krivični zakon BD, Zakon o zaštiti nasilja u porodici FBiH i RS.

Prilog I

LIČNA/OSOBNJA IZJAVA

Potvrđujem da sam pročitao/la, razumio/la da ću se pridržavati Politike sigurnosti i zaštite djece i pripadnika ranjivih grupa tokom cijelog perioda mog rada ili saradnje sa i//ili predstavljanja Fondacije Mozaik. Svjestan/a sam da kršenje bilo kojeg od pravila ponašanja može, ovisno od težine prekršaja, dovesti do momentalnog disciplinskog postupka koji kao mjeru uključuje i otkaz, te krivičnu odgovornost.

Kroz odgovarajuće kanale ću adresirati sve za što mi se čini da predstavlja kršenje ove Politike.

.....

Potpis

Naziv pozicije

.....

Ime i prezime velikim slovima

Datum

Prilog II

Obrazac za prijavu/izvještaj

Prijavu poslati u roku od 24 sata od usmene prijave na e-mail: nenad@mozaik.ba ili vesnabalta@mozaik.ba

Datum prijave:	Mjesto:
----------------	---------

Podaci podnosioca prijave:

Ime i prezime:	Pozicija:
Brojevi telefona podnosioca:	E-mail adresa:

Podaci osobe koju se štiti (žrtva)

Ime i prezime:	
Datum rođenja:	Spol:
Adresa prebivališta i drugi kontakt detalji:	
Osobe s kojima djetelo ili drugi pripadnik ranjivih grupa živi:	
Podaci (ime i prezime i kontakt) o roditeljima/starateljima/ usvojiteljima djeteta ili drugog pripadnika ranjivih grupa	
Da li je još neko uključen u incident (ako jeste unijeti podatke)	

Podaci o osobi za koju se sumnja ili je uzrokovala incident (osumnjičeni/počinitelj)

Ime i prezime:	
Starost u godinama:	Spol:
Adresa prebivališta i drugi kontakt detalji:	
Da li osoba radi ili je na bilo koji način povezana s Fondacijom Mozaik?	
U kakvoj je vezi osoba sa djetetom ili drugim pripadnikom ranjivih grupa (roditelj, staratelj, nastavnik i dr.)	
Napomena: Osumnjičene osobe se uvijek imaju smatrati nevinim sve dok se ne dokaže suprotno!	

Detaljan opis događaja/incident

Datum događaja:	Vrijeme:	Mjesto:
Na koji način ste saznali za incident:		
☐ Lično ☐ od drugih ☐ lično od žrtve ☐ Na neki drugi nači (navesti)_____		
Da li postoje i drugi svjedoci incidenta? Ako DA molimo Vas da navedete podatke:		
a) Ime i prezime b) poziciju c) kontakt podatke ako su vam poznati		
Detaljno opisati incident koji je ugrozio sigurnost djeteta ili pripadnika drugih ranjivih grupa:		

Zaštita

Navedi aktivnosti preduzete s ciljem zaštite žrtve (npr. Prijava nadležnoj policijskoj upravi i/ili Službi za socijalnu zaštitu).

Konflikt interesa

Da li postoji konflikt interesa na organizacijskom nivou gdje treba da se rješava ovaj problem, a što zahtjeva intervenciju na višoj organizacijskoj instanci?

☐ Da (navesi više detalja)

☐ Ne